

**ՀԱՅ-ՌՈՒՍԱԿԱՆ ՀԱՄԱԼՍԱՐԱՆ**

**ԱՐՐԱՀԱՄՅԱՆ ԷՄԻԼՅԱ ԱՇՈՏԻ**

**ՊԱՏԺԻ ՆՇԱՆԱԿՄԱՆ ԸՆԴՀԱՆՈՒՐ ՍԿՋԲՈՒՆՔՆԵՐԸ  
ԱՐԴԱՐՈՒԹՅԱՆ ՍԿՋԲՈՒՆՔԻ ԻՐԱԳՈՐԾՄԱՆ ՀԱՄԱՏԵՔՍՈՒՄ  
ԸՍՏ ՀՀ ՔՐԵԱԿԱՆ ՕՐԵՆՍԴՐՈՒԹՅԱՆ**

**ԺԲ.00.05 – «Քրեական իրավունք և կրիմինալոգիա, քրեակատարողական իրավունք» մասնագիտությամբ իրավաբանական գիտությունների թեկնածուի գիտական աստիճանի հայցման ատենախոսության**

**ՍԵՂՄԱԳԻՐ**

**Երևան-2020**

**РОССИЙСКО-АРМЯНСКИЙ УНИВЕРСИТЕТ**

**АБРААМЯН ЭМИЛЯ АШОТОВНА**

**ОБЩИЕ НАЧАЛА НАЗНАЧЕНИЯ НАКАЗАНИЯ В КОНТЕКСТЕ  
РЕАЛИЗАЦИИ ПРИНЦИПА СПРАВЕДЛИВОСТИ ПО  
УГОЛОВНОМУ ЗАКОНОДАТЕЛЬСТВУ РА**

**АВТОРЕФЕРАТ**

**диссертации на соискание ученой степени кандидата юридических наук по специальности 12.00.05 – «Уголовное право и криминология; уголовно-исполнительное право»**

**Ереван-2020**

**Ատենախոսության թեման հաստատվել է Հայ-Ռուսական համալսարանում**

**Գիտական ղեկավար՝**

**իրավաբանական գիտությունների  
դոկտոր, պրոֆեսոր Լ.Զ. Թադևոսյան**

**Պաշտոնական ընդդիմախոսներ՝**

**իրավաբանական գիտությունների  
դոկտոր Ա.Ա. Թամազյան**

**իրավաբանական գիտությունների  
թեկնածու, դոցենտ Ն.Յու. Զոհրաբյան**

**Առաջատար կազմակերպություն՝**

**Երևանի պետական համալսարան**

Ատենախոսության պաշտպանությունը կայանալու է 2020 թվականի հոկտեմբերի 8-ին՝ ժամը 16<sup>30</sup>-ին, Հայ-Ռուսական համալսարանում գործող ՀՀ ԲՈԿ-ի Իրավագիտության 063 մասնագիտական խորհրդի նիստում (0051, ք. Երևան, Հովսեփ Էմինի 123):

Ատենախոսությանը կարելի է ծանոթանալ Հայ-Ռուսական համալսարանի գրադարանի գիտաշխատողների ընթերցասրահում:

Սեղմագիրն առաքված է 2020 թվականի օգոստոսի 24-ին:

**Մասնագիտական խորհրդի գիտական քարտուղար,**

**իրավաբանական գիտությունների թեկնածու**

**Ջ.Տ. Հայրապետյան**

**Тема диссертации утверждена в Российско-Армянском университете**

**Научный руководитель:**

**доктор юридических наук,  
профессор Л.З. Тадевосян**

**Официальные оппоненты:**

**доктор юридических наук  
А.А. Тамазян**

**кандидат юридических наук,  
доцент Н.Ю. Зограбян**

**Ведущая организация:**

**Ереванский государственный университет**

Защита состоится 8-ого октября 2020 года в 16<sup>30</sup> часов на заседании специализированного совета 063 по Юриспруденции ВАК РА при Российско-Армянском университете (0051, г. Ереван, ул. Овсепя Эмина, 123).

С диссертацией можно ознакомиться в читальном зале научных работников библиотеки Российско-Армянского университета.

Автореферат разослан 24-ого августа 2020 года.

**Ученый секретарь специализированного совета,  
кандидат юридических наук**

**Дж.А. Айрапетян**

## Ատենախոսության ընդհանուր բնութագիրը

**Ատենախոսության թեմայի արդիականությունը.** Հանցավորության աճը, դրա բացասական միտումները հարկադրում են հասարակությանը և պետությանը համապատասխան հակազդեցություն կիրառել: Անվիճելի է, որ հանցագործությունների ժամանակին բացահայտումը, հանցանք կատարած անձանց հայտնաբերումը, նրանց պատասխանատվության ենթարկելը, արդարացի պատիժ նշանակելն ու կիրառելը կարող են էական կանխիչ նշանակություն ունենալ: Պատիժը որպես պետության կողմից և անունից կիրառվող հարկադրանքի միջոց՝ ուղղված է պաշտպանելու անձի, հասարակության և պետության շահերը հանցավոր երևույթներից, ինչպես նաև ապահովելու անձանց՝ օրենքին համապատասխանող վարքագիծը: Միևնույն ժամանակ, օրինական, հիմնավորված և արդարացի պատիժը նաև իրավակարգի ամրապնդման կարևոր միջոց է:

Պատիժը քրեական իրավունքի գիտության առանցքային և կարևորագույն ինստիտուտներից է, որի տեսական և գործնական հարցերը դեռևս վաղ ժամանակներից ուսումնասիրվել են բազմաթիվ իրավաբան-գիտնականների, ինչպես նաև փիլիսոփաների կողմից: Եվ չնայած պատիժը, որպես քրեական իրավունքի հիմնարար ինստիտուտ, մշտապես գտնվել է նրանց ուշադրության կենտրոնում, այնուամենայնիվ, առավել քան արդիական է պատժի՝ որպես պետության քրեական քաղաքականության կարևորագույն տարրի բազմակողմանի և համապարփակ ուսումնասիրությունը: Պատիժը և դրա նշանակման ընդհանուր սկզբունքները գենետիկորեն կապված են գոյություն ունեցող հասարակական հարաբերությունների զարգացման ընթացքի հետ, ուստի նման պայմաններում պատժի և դրա նշանակման ընդհանուր սկզբունքների՝ որպես կենդանի օրգանիզմի համապատասխանեցումն արդի մարտահրավերներին և պահանջներին օրակարգային խնդիր է:

Վերոնշյալի մասին է վկայում այն հանգամանքը, որ դատարանները, յուրաքանչյուր քրեական գործով պատիժ նշանակելիս, պարտավոր են ղեկավարվել պատժի նշանակման ընդհանուր սկզբունքներով, այսինքն՝ այնպիսի հիմնադրույթներով, որոնք թույլ են տալիս հանցանք կատարած անձանց նկատմամբ նշանակել արդարացի պատիժ: Դատարանի կողմից արդարացի պատիժ նշանակելը քրեական գործով արդարադատության իրականացման վճռական պահն է, որը պետք է դառնա կատարված հանցագործության հասարակական վտանգավորության գնահատման լիարժեք չափանիշը, պատժի ենթարկվող անձին ուղղելու ամենակարճ ճանապարհը, ինչպես ամբաստանյալի, այնպես էլ հասարակության այլ անդամների կողմից նոր հանցագործությունները կանխելու գործուն միջոց: Նշված հանգամանքներն ավելի են կարևորում և արժևորում պատիժ նշանակելու գործընթացը, քանի որ այդ փուլում առավել թափանցիկ տեսանելի է դառնում արդարադատության իրականացումը, և դրա վերաբերյալ ձևավորում որոշակի պատկերացում հասարակության շրջանում: Հետևաբար, դատարանները պետք է պատշաճ ջանասիրություն և ուշադրություն ցուցաբերեն՝ հատկապես ապահովելով արդարության սկզբունքի հետևողական կենսագործումը:

Սույն աշխատանքում պատիժ նշանակելու ընդհանուր սկզբունքները ուսումնասիրվել է արդարության սկզբունքի իրագործման համատեքստում՝ ուստի ներկայացվել է նաև այդ սկզբունքի անառարկելի կարևորությունը, էությունն ու նշանակությունը: Արդարության սկզբունքի հիմնախնդիրը մշտապես գտնվել է բազմաթիվ իրավագետների, մտավորականների և փիլիսոփաների ուշադրության կենտրոնում: Չնայած հետազոտությունների հարուստ պատմությանը, արդարության սկզբունքի հիմնախնդիրը պահանջում է շարունակական ուսումնասիրություն, քանի որ դրա նկատմամբ վերաբերմունքը փոխվում է մինչ օրս՝ պայմանավորված ժամանակի մարտահրավերներով և հասարակական հարաբերությունների զարգացման ընթացքով:

Արդարության սկզբունքի իրավական ամրագրումն արտացոլվել է ինչպես ներպետական, այնպես էլ միջազգային իրավական ակտերում: Այն ունեցել է գիտական մեծ գրավչություն՝ գիտական ամենատարբեր դպրոցների և ուղղությունների ներկայացուցիչների համար: Արդարության սկզբունքը, իբրև անձի իրավական պաշտպանվածության ցուցանիշ, հիմնվում է դրա սահմանադրական ամրագրման ու երաշխիքի՝ իբրև իրավական պետության տարրի վրա: Բացի այդ, Միավորված ազգերի կազմակերպության (այսուհետ՝ նաև ՄԱԿ) Կանոնադրությունը ճանաչում է արդարությունը որպես համաշխարհային իրավակարգի հիմք: Արդարության անանցելի նշանակությունն ընդգծվում է նաև 1948 թվականի դեկտեմբերի 10-ի՝ Մարդու իրավունքների համընդհանուր հռչակագրում, 1945 թվականի մայիսի 5-ի՝ Եվրախորհրդի կանոնադրության մեջ, 1950 թվականի նոյեմբերի 4-ի՝ «Մարդու իրավունքների ու հիմնարար ազատությունների պաշտպանության մասին» Եվրոպական կոնվենցիայում, «Հանցավորության ու արդարադատության մասին» Վիեննայի հռչակագրում, 2000 թվականի ապրիլի 15-ին տասներորդ Կոնգրեսի կողմից XXI դարի մարտահրավերների պատասխաններում ու բազմաթիվ այլ միջազգային փաստաթղթերում: Բացի այդ, արդարության կատեգորիան, ավելի գործնական, կոնկրետ ու ընդարձակ մեկնաբանման է արժանացել Մարդու իրավունքների եվրոպական դատարանի բազմաթիվ վճիռներում: Այս ամենն անկասկած, խոսում է արդարության սկզբունքի հիմնախնդրի արդիականության մասին:

Ամփոփելով նշենք, որ հասարակության զարգացման ներկա փուլում, քրեական պատիժը հանդիսանում է այն անհրաժեշտ և միևնույն ժամանակ արդյունավետ միջոցը, որով պետությունն արձագանքում է կատարված հանցագործությանը: Այդ իսկ պատճառով, պատժի ինստիտուտը, ինչպես նաև դրա նշանակման սկզբունքները, մշտապես կարիք ունեն մանրակրկիտ կանոնակարգման, ինչպես նաև գիտական հիմնավորման, որպեսզի քրեաիրավական ներգործության միջոցները կիրառվեն միայն այն սահմաններում, որոնք անհրաժեշտ և բավարար են պատժի առջև դրված խնդիրների ու նպատակների իրագործմանը հասնելու համար:

**Հետազոտության թեմայի մշակվածության աստիճանը.** Պատժի նշանակման ընդհանուր սկզբունքների հիմնախնդիրների ուսումնասիրությունը մշտապես գտնվել է իրավաբան-գիտնականների ուշադրության կենտրոնում: Նշված հիմնախնդիրն իրենց աշխատություններում հետազոտության են ենթարկել Ա.Ա.Ավետիսյանը,

Ա.Հ.Գաբուզյանը, Չ.Ա.Թադևոսյանը, Լ.Չ.Թադևոսյանը, Հ.Մ.Խաչիկյանը, Մ.Ի.Ուզունյանը, Ն.Ա.Բեյյանը, Ա.Ս.Գորեյիկը, Մ.Յու.Դվորեցկին, Ն.Ն.Դուդարը, Լ.Կ.Կաիրբանան, Լ.Լ.Կրուզիկովը, Ն.Ս.Մալեինը, Ա.Ի.Մարցևը, Վ.Վ.Յուդինը, Ի.Գ.Նաբիևը, Ա.Վ.Նաումովը, Ա.Ն.Պոպովը, Ա.Ի.Ռառոզը, Ս.Ն.Սաբանինը, Ն.Ս.Տազանցևը և այլք:

Բարձր գնահատելով հիշյալ գիտնականների արժեքավոր հետազոտությունները, որոնք մեծ ներդրում են ունեցել քրեական իրավունքի գիտության զարգացման ոլորտում՝ հարկ է փաստել, որ վերը նշված ոլորտում շատ հիմնախնդիրներ դեռևս լրացուցիչ լուսաբանման ու հետազոտման կարիք ունեն։ Դրա համար անհրաժեշտություն է առաջանում իրականացնելու պատժի նշանակման ընդհանուր սկզբունքների հիմնախնդրի համապարփակ և համալիր հետազոտություն, ինչը թույլ կտա բացահայտելու այս ոլորտում առկա օրենսդրական բացերը: Հարկ է նկատել նաև, որ հայտնական քրեական իրավունքում մինչ օրս բացակայում է արդարության սկզբունքի իրագործման համատեքստում պատժի նշանակման ընդհանուր սկզբունքների հիմնախնդրի վերաբերյալ համընդգրկուն աշխատություն:

**Հետազոտության օբյեկտը.** Հետազոտության օբյեկտն արդարության սկզբունքի իրագործման համատեքստում պատժի նշանակելու առնչությամբ ծագող հասարակական հարաբերություններն են:

**Հետազոտության առարկան.** Հետազոտության առարկան արդարացի պատժի նշանակելու հիմնախնդիրները կանոնակարգող՝ Հայաստանի Հանրապետության և մի շարք օտարերկրյա պետությունների քրեական օրենսդրության նորմերն են, ՀՀ քրեական նոր օրենսգրքի նախագծի (այսուհետ՝ նաև Նախագիծ) իրավակարգավորումները և դատական պրակտիկան:

**Հետազոտության նպատակը և խնդիրները.** Հետազոտության նպատակն է արդարության սկզբունքի իրագործման համատեքստում պատժի նշանակելու հիմնախնդրի համակարգային ուսումնասիրությունն ու վերլուծությունը, քանակական և որակական վերլուծության միջոցով Հայաստանի Հանրապետությունում դատարանների կողմից իրականացվող պատժի քաղաքականության հիմնական օրինաչափությունների և պատժիների նշանակման օրենսդրական կարգավորման հիմնախնդիրների վեր հանումը, Հայաստանի Հանրապետության և այլ պետությունների պատժի նշանակման ինստիտուտների միջև համեմատական վերլուծության իրականացումը, ինչպես նաև կատարված համալիր հետազոտության արդյունքների հիման վրա օրենսդրության և իրավակիրիառ պրակտիկայի կատարելագործմանն ուղղված առաջարկությունների մշակումը: Վերոնշյալ նպատակին հասնելու համար մեր կողմից առաջ են քաշվել հետևյալ խնդիրները.

- վերլուծության ենթարկել «արդարություն» հասկացությունը՝ բացահայտելով արդարության բարոյաիրավական հիմքը,
- բացահայտել արդարության՝ որպես իրավունքի հիմնարար սկզբունքի էությունն ու բովանդակությունը,
- հստակեցնել արդարության սկզբունքի դերն ու նշանակությունը՝ պատժի նշանակման ընդհանուր սկզբունքների համատեքստում,
- վերլուծել օրենսդրությամբ նախատեսված արդարացի պատժի նշանակման

ընդհանուր սկզբունքային պահանջները, այն է՝ պատիժ նշանակելիս կատարված հանցագործության հանրային վտանգավորության բնույթի և աստիճանի, հանցավորի անձը բնութագրող տվյալների, պատասխանատվությունն ու պատիժը մեղմացնող և ծանրացնող հանգամանքների գնահատումը,

- ուսումնասիրել և վեր հանել արդարացի պատժի նշանակումը կարգավորող նորմերի գործնական կիրառության ընթացքում առաջացող խնդիրները՝ տեսական գրականության և ձևավորված դատական պրակտիկայի ուսումնասիրության միջոցով,

- ուսումնասիրել օտարերկրյա պետությունների քրեական օրենսդրություններով նախատեսված՝ արդարացի պատիժ նշանակելու իրավական կարգավորումները,

- համեմատաբարական վերլուծության ենթարկել պատժի նշանակման վերաբերյալ գործող օրենսդրության և Նախագծի նորմերը, ներկայացնել առաջարկություններ՝ Նախագիծն առավել կատարելագործելու նկատառումներով և ակնկալիքով,

- կատարված հետազոտությունների արդյունքների հիման վրա մշակել և ներկայացնել համապատասխան օրենսդրական առաջարկություններ:

**Հետազոտության տեսական հիմքը.** Հետազոտության տեսական հիմքն են կազմել հայրենական և արտասահմանյան աղբյուրները, մասնավորապես՝ քննարկվող հիմնախնդրի շուրջ գիտական հետազոտություններ ու ուսումնասիրություններ իրականացրած մի շարք իրավաբան-գիտնականների՝ իրավունքի ընդհանուր տեսության, քրեական իրավունքի և դատավարության, միջազգային իրավունքի, փիլիսոփայության բնագավառների աշխատությունները:

**Հետազոտության իրավական և փորձառական հիմքը.** Հետազոտության իրավական և փորձառական հիմքն են կազմել ՀՀ սահմանադրությունը, ՀՀ քրեական օրենսգիրքը, ՀՀ քրեական դատավարության օրենսգիրքը, արտասահմանյան երկրների քրեական օրենսդրությունները, Մարդու իրավունքների համընդհանուր հռչակագիրը, «Մարդու իրավունքների և հիմնարար ազատությունների պաշտպանության մասին» Եվրոպական կոնվենցիան, «Քաղաքացիական և քաղաքական իրավունքների մասին» միջազգային դաշնագիրը, «Խոշտանգումների և այլ դաժան, անմարդկային կամ նվաստացնող վերաբերմունքի ու պատժի դեմ» կոնվենցիան, Եվրոպայի խորհրդի նախարարների կոմիտեի թիվ CM/Rec (2008) 11 հանձնարարականը, Անչափահասների նկատմամբ արդարադատություն իրականացնելու վերաբերյալ ՄԱԿ-ի նվազագույն ստանդարտ կանոնները («Պեկինյան կանոններ»), Ազատագրված հետ չկապված միջոցների վերաբերյալ ՄԱԿ-ի նվազագույն կանոնները («Տոկիոյի կանոններ»), Եվրոպական դատավորների խորհրդատվական խորհրդի թիվ 6 կարծիքը, ինչպես նաև պատիժ նշանակելու ընդհանուր սկզբունքային պահանջների վերաբերյալ Մարդու իրավունքների եվրոպական դատարանի և ՀՀ վճռաբեկ դատարանի կողմից կայացված նախադեպային որոշումներն ու ՀՀ դատարանների կողմից նշանակված պատիժների վերաբերյալ վիճակագրական տվյալները:

**Հետազոտության մեթոդաբանական հիմքը.** Հետազոտության

մեթոդաբանական հիմքն են կազմել համընդհանուր՝ դիալեկտիկական և պատմական, համատեսական՝ անալիզի և սինթեզի, մասնագիտական՝ համակարգակառուցվածքային և համեմատական-իրավական, ինչպես նաև վիճակագրական ու վերլուծական մեթոդները:

**Հետազոտության գիտական նորույթը.** Առաջին անգամ Հայաստանի Հանրապետությունում ատենախոսության մակարդակով փորձ է արվել համալիր և բազմակողմանի հետազոտել ու վերլուծել արդարության սկզբունքի իրագործման համատեքստում պատժի նշանակման ընդհանուր սկզբունքների կիրառման տեսական և գործնական հիմնախնդիրները:

Նշված վերլուծությունը կատարվել է հիմնվելով ՀՀ քրեական օրենսգրքի և Նախագծի, առանձին օտարերկրյա պետությունների քրեական օրենսդրությունների, տեսական աղբյուրների, Մարդու իրավունքների եվրոպական դատարանի իրավական դիրքորոշումների, ՀՀ վճռաբեկ դատարանի նախադեպային բնույթի որոշումների, ինչպես նաև վերաբերելի միջազգային փաստաթղթերի համակարգային ուսումնասիրության վրա: Ուսումնասիրելով և վեր հանելով պատժի նշանակման գործընթացը կարգավորող նորմերի գործնական կիրառության ընթացքում առաջացող խնդիրները՝ արդյունքում ներկայացվել են նշվածի կապակցությամբ տեսական եզրահանգումներ և օրենսդրական առաջարկություններ: Ատենախոսության գիտական նորույթը դրսևորվում է նաև պաշտպանության ներկայացվող դրույթներում:

### **Պաշտպանության ներկայացվող հիմնական դրույթները.**

1. Լեզվաբանական, պատմա-փիլիսոփայական վերլուծությունը ցույց է տալիս, որ հասարակության մեջ գերիշխող աշխարհայացքի ազդեցության ներքո ձևավորված արդարության մասին պատկերացումները ձեռք են բերում օբյեկտիվ բնույթ, որի համատեքստում արդարությունը, հանդիսանալով բարդ ու բազմաբովանդակ երևույթ և հիմնված լինելով ոչ միայն իրավական, այլ նաև սոցիալական ու բարոյական տարրերի վրա, հանդես է գալիս որպես օբյեկտիվ երևույթ, որի հաշվառումը հնարավոր է և անհրաժեշտ՝ ինչպես քրեաիրավական նորմերը կառուցելիս, այնպես էլ դրանք կիրառելիս, հատկապես երբ այն վերաբերում է պատժի ինստիտուտի կիրառմանը:

2. Արդարությունը՝ որպես քրեական իրավունքի հիմնարար սկզբունք, կարելի է դիտարկել երկու հիմնական տեսանկյունից.

ա) արդարություն հասարակության նկատմամբ, որի էությունը տուժողի, հասարակության և պետության շահերի պաշտպանությունն է,

բ) արդարություն հանցանք կատարած անձի նկատմամբ, որի էությունը հանցանք կատարած անձին նախևառաջ որպես անհատ դիտարկելն է՝ ապահովելով պատժի անհատականացումը, հանցանքի բնույթին, ծանրությանը, այն կատարելու հանգամանքներին և հանցավորի անձին համապատասխան պատժի նշանակումը, ինչպես մարմնական պատիժների, այնպես էլ ֆիզիկական ու բարոյական տառապանքների բացառումը, ինչպես նաև հարգանքը հանցանք կատարած անձի արժանապատվության հանդեպ:

Լգտսնտուզզ ղզսսիվսիղզիմո ղ իվսս Կլղոընսհոընեոմ ղզ սսիոսսսոմոս մսզղղոմսոսոն իսիոսոմոնղ սնզիսսոմոո ղոսնզսսը ղոհիոսոսզղո տոսվոլ ովզիղղոմշղ թվսոմԼ 5

։մնզղիոսոմոնղ վթոսոն Լզիսսոմոո սսսոհ վՅ միոոզստ տոսվոլ եոհիղ զզզ Կ ղոսիիողղոմշղ մոոսվոլ Լզիոսսո նվսզղթվսոմո զոհիոզստոմոնղ սոըոսզ ղոմեխսզսնեոնղոսզ մս Դվոոը ղիո ղզիսսն վոոը նս-Ը վզոիիսսզ նս-ԼԶ վժմեոնղզսո ղոհիոզսմժ >> ղոոն ղզիոնղվ Դիսնզժղոըոեոնղոսզ սսղնոմսղոզ ղոհի սսղնոընԼզը մթվսոմոն ոս ղղոսբեխսիոսողոմոմոսոմոն ղոսիթ նիո Դիսնզղոմիոս սսսնեոխսղժ մջղոմ վմսիոնեղոսզ ղզ ղոսիճսնս միոհՅ ղ միոոզստ վթոսոն մս Դվոոըն ղիո ղզիսսն վոոը նս-Զ վզոիիսսզ նս-ԼԶ վժմեոնղզսո ղոհիոզսմժ >> ։մնզղժղոսժեիո մսղոսսնղմ Լոմիղսզզ սնզիղղոմշղ թվսոմոն ղզ ղոսզսնեոմվ ղղոսբեխսմսոմ Յվոլճոմ հոս ։իսղոցսվոոո ղ իսբիսսղժ ղոմեխսսիոեոնղոսի մոըոսզ ղոմեխսմղոսզ ղոմեխսզսնեոնղոսզ (Զ ։մնզղբիսսն վոոը մսղոսսնղժ վժմեոնղզսո ղոհիոզսմժ իսնզղոս միճոսզ ղոսնզղղոըոսսո վզոիիսսզ ղոոլոոսոմոնոըոսզ վոոը հիստոճ վժմեոնղզսո ղիսո Կ ղոսիճսն մսս ։թվսոմոն վեոմսոնսմ Կ ղոսիիողղոմշղ ժոըոըոսոհիղ վջղո զոհիճողղոց սսիոնսզը մոըոսզ ղոմեխսզսնեոնղոսզ (Լ ։մնզղբիսսն Լոմիղսզզ վոոը ղվ-Լ վզոիիսսզ նս-ԼԶ վժմեոնղզսո ղոհիոզսմժ >> զոիիսսնս ղզ ղղոըոնողոհիոմվ ղոմեխսմսոմ սսղնզբեմոսսոըոսճ

։ոմլզսզզղմ ղոսբեխսսիոմսոնղ սնզսնղոնս ղոսբեխսնեոնղոսզ ղոսնոմսզ նիո նվընսի վղոմսոսոն Կ ոհիսո միոսսոհիոսսնղմ ։մղոսբեխսմսոմ Յվոլճոմ հոս ։Լոմնզժոմզի վիոհճ վթոսոն ղոսճսնս վիոճսնս հոցսնեոմ Լզղնոմոհ ովոստ ղզ ղոսբեխսսիոմսոնղ ժիսսն ։ոմլզիոսիոըոըոսզ մղոսբեխսնեոնղոսզ վղոմսոսոն իսնսժվը սնզղղոըոսզ սզղճվղոսիոհճ ղոհիոզսն Կ ոհիսո ղղոսբեխսմսոմ սսղնզբեմոսսոըոսզ ղոսսոնժզստոըոսզ ոիը ։մղոըոնողոհիոմվ ղոմեխսմսոմ Յվոլճոմ ղոհի սսղնզբեմոսսոըոսզ Կ զոիիսսնս ղիսնղոմժոմսսն նվսնզղժղոսժեիո մսղոսսնղմ սնզիղղոմշղ թվսոմԼ 4

։«վեոմսոնսմ ղզղոսվ

Կ ժոհիո մնզղնսժվը Լիո ղոմեխսզսնեոնղ ղոհիոիոմվոզսմ ղ մթվսոն սսիիողղոմշղ ժոըոըոսոհիղ վջղո զոմսոմոհ ժղոնեղոճ ։նվղոսնիղղոնզս սնզիսսոմոն ղղոսզսնեոմվ վնզղիղոսոմոնղ վթոսոն վղսվ սոմսոիոմ ղ սնզթոմսզղո Դվսնզղժղոսըոնղոսզ իվսիղզիմո վնզղճվղոսիոհճ ղոըոնողոհիոսոսզղո ոսն ղոոն ղզիոնղվ ։ղոըոըոսզ ղոմեխսվզթոսոն վժմսոմ ։ղոըոսոսոնոսզ ղոմեխսղոնսնոն ղոհիոիոմվոզսմ ղոմեխսնզիո ղ ղոմեխսիոմոնոսզ ։վջղո վղոոլոոսոմոնոըոսզ Կ ժոհիո ղժղոսիոն ։ոմի վժղոսժեիո ղոմեխսմսոմ Կ ղոսիղղոսվ մղոսբեխսնոնղզսո ղոհիոզսմժ ։»

։ժոմեխսնեոմժոլ Լոմիղսզզ իսնզսնսոմճ

ղիո ղոսոոը ղվ-Լ վզոիիսսզ նս-ՕԼ վժմեոնղզսո ղոհիոզսմժ >> ղոոն մնզղղոըոսզ վժղոսժեիո սսիիմոնղժ Լզղոմոնղմ Կ սոըոմսսոմիոսոմոնղ Լզիոսսո իսըոսսո ոիը ։մղոըոմսիոեոմոհ վնզղսվսնղղվ ղոըոնողոհիոսոսզղո վթոսոն ոզիոնղզիոսսո Կ զոիիսսնս մս վղոժ ։մղոսբեխսիոնղոիսժ ոս ղղոսբեխճ ճնս վժղոսժեիո ղոմեխսմսոմ ղոսնեոմսոմ վՅ ղոհիոժնսժըո ։մոըոսզ սնզղվղոհի մնզղղոսբեխսնեոնղոսզ մսղ ղ սնզնսնս ղոմնղ ղզղոսվ սոմսոիոմ ղ սնզթոմսզղո ։մղոմեխսսիոնղզղո վսիոնեղոսզ ։զվսնզղժղոըոնեղոսզ սնզսոմոհ ոն ։մղոմեխսնղոզ վժղոնեղոսզ ղզղոոլոոսոմոնոըոսզ վեոմսոնսմ ղզղոսվ Կ ժոհիո մնզղնսժվը Լիո ղոմեխսզսնեոնղ ղոհիոիոմվոզսմ ղ մթվսոն սսիսսսվի ժոըոըոսոհիղ վջղո զոմսոմոհ ժղոնեղոսզ ։վսն ղոմջոըոսզ ։մըոսսսիոեոնղոհիոմսիոմսի վզոիիսսզ նս-ՕԼ վժմեոնղզսո ղոհիոզսմժ >> ոս Լզոոսի Է սնզթոմսիոնղ 3.



ամբաստանյալի անձը բնութագրող տվյալները: Միաժամանակ, անհրաժեշտ է հստակեցնել և օրենսդրորեն ամրագրել դատարանի կողմից պատիժ նշանակելիս գնահատման ենթակա՝ անձը բնութագրող հանգամանքների հստակ ցանկը:

Դատարանի կողմից նշանակվող պատժի արդարացիության հիմնական պահանջներից է նաև այն, որ պատիժը պետք է համապատասխանի հանցագործության վտանգավորության աստիճանին և բնույթին: Ուստի, առանցքային խնդիր է այն, որ դատարանի կողմից պատիժ նշանակելիս պատշաճ իրավական գնահատման ենթարկվեն խախտված հասարակական հարաբերությունների բնույթն ու կատարված հանցանքի հանրային վտանգավորության աստիճանը:

Պատիժ նշանակելիս և հանցագործության հանրային վտանգավորության աստիճանը որոշելիս դատարանները պետք է էլնեն այն բոլոր հանգամանքների համակցությունից, որոնցում կատարվել է կոնկրետ հանցավոր արարքը, մեղքի ձևից, հանցագործության կատարման շարժառիթներից, եղանակից, իրադրությունից, հանցավոր մտադրության իրագործման աստիճանից, խախտված հասարակական հարաբերությունների բնույթից, առաջացած վնասի չափից:

Պատասխանատվության անհատականացման համար կարևոր նշանակություն ունի նաև հանցագործության փուլերի սահմանազատումը. որքան հանցավորը մոտենում է իր դիտավորության իրականացմանը, այնքան ավելի մեծ վնաս է հասցնում քրեական օրենքով պաշտպանվող շահերին և իրենից առավել մեծ վտանգավորություն է ներկայացնում:

6. Դատարանի կողմից պատիժ նշանակելիս արդարությունը՝ որպես քրեական իրավունքի հիմնարար սկզբունք, դրսևորվում է ոչ միայն հանցանք կատարած անձի նկատմամբ, այլ նաև հասարակության նկատմամբ, որի էությունը տուժողի, հասարակության և պետության շահերի պաշտպանությունն է: Սոցիալական արդարության վերականգնման պահանջի հասցեատերն ինչպես պետությունն է, այնպես էլ տուժողը, ով սոցիալական արդարության վերականգնման հարցում առավել շահագրգիռ կողմ է հանդիսանում և իրավասու է պահանջել ու ակնկալել այդ նպատակի երաշխավորումն ու իրագործումը: Հետևաբար, արդարության՝ որպես պատիժ նշանակելու սկզբունքի բովանդակությունն ընդգրկում է նաև տուժողի վերաբերմունքն ու դիրքորոշումը նշանակված պատժի նկատմամբ:

7. Անհրաժեշտ է հստակ տարանջատել պատասխանատվությունն ու պատիժը մեղմացնող և անձը բնութագրող հանգամանքները, քանի որ գործնականում հաճախ են հանդիպում իրավիճակներ, երբ դատարաններն այդպիսիք նույնացնում են. մասնավորապես, միևնույն հանգամանքը տարբեր դատարանների կողմից գնահատվում է միաժամանակ և՛ որպես պատասխանատվությունն ու պատիժը մեղմացնող հանգամանք, և՛ որպես ամբաստանյալի անձը բնութագրող տվյալ: Այսպես, անձի երիտասարդ, ամուսնացած լինելը, դրական բնութագրերի առկայությունը, հանցագործության մեջ մեղավոր ճանաչելը, կատարածի համար զղջալը, նախկինում դատապարտված չլինելը որոշ դեպքերում դիտարկվում են որպես անձը բնութագրող հատկանիշներ, մեկ այլ դեպքում՝ որպես պատասխանատվությունն ու պատիժը մեղմացնող հանգամանքներ:





օրենսդրորեն տարբեր շեմեր նախատեսել՝ ելնելով դրանց բնույթից, վտանգավորության աստիճանից և այն հասարակական հարաբերությունների կարևորությունից, որի դեմ այդ արարքները ունենում են:

**Հետազոտության տեսական և գործնական նշանակությունը.**

Հետազոտության տեսական նշանակությունն առաջին հերթին կայանում է նրանում, որ հայրենական քրեական իրավունքում առաջին անգամ կատարվել է արդարության սկզբունքի իրագործման համատեքստում պատիժ նշանակելու ընդհանուր սկզբունքային պահանջների կիրառման հիմնախնդիրների վեր հանման և դրանց լուծման ուղիների քննարկմանը նվիրված համալիր աշխատանք, որի արդյունքները կարող են տեսական հիմք հանդիսանալ հետագա գիտական հետազոտությունների համար: Բացի այդ ատենախոսության մեջ ներկայացված մոտեցումներն ու կատարված ուսումնասիրության արդյունքների վրա հիմնված առաջարկությունները կարող են օգտագործվել քրեական օրենսդրության կատարելագործման նպատակով: Ատենախոսության մեջ ներկայացված մոտեցումներն ու առաջարկությունները կարող են օգտագործվել նաև իրավակիրառ պրակտիկայում՝ պատժի նշանակման ընթացակարգի կատարելագործման նպատակով:

**Հետազոտության արդյունքների փորձարկումը.** Ատենախոսության թեման քննարկվել է Հայ-Ռուսական համալսարանի քրեական իրավունքի և քրեական դատավարության իրավունքի ամբիոնում, որտեղ հաստատվել են ատենախոսության մեջ առկա հիմնական տեսական վերլուծություններն ու եզրակացությունները և աշխատանքը երաշխավորվել է հրապարակային պաշտպանության: Ատենախոսության մեջ կատարված վերլուծությունների արդյունքները արտացոլվել են հեղինակի կողմից հրապարակված գիտական հոդվածներում, որոնք լույս են տեսել հայրենական և օտարերկրյա գրախոսվող գիտական ամսագրերում:

**Ատենախոսության կառուցվածքը.** Ատենախոսությունը պատրաստված է ՀՀ Բարձրագույն որակավորման կոմիտեի կողմից ներկայացվող պահանջներին համապատասխան: Այն բաղկացած է ներածությունից, երեք գլուխներից, որոնք ներառում են ութ պարագրաֆներ, եզրակացությունից, օգտագործված գրականության, իրավական ակտերի և պրակտիկայի նյութերի ցանկից և երկու հավելվածներից:

## Ատենախոսության համառոտ բովանդակությունը

**Ներածությունում** հիմնավորվում է հետազոտության թեմայի արդիականությունը, ներկայացվում են մշակվածության աստիճանը, հետազոտության օբյեկտը և առարկան, նպատակը և խնդիրները, հետազոտության տեսական, իրավական, փորձառական հիմքերը, մեթոդաբանությունը, գիտական նորոյթը, ձևակերպվում են պաշտպանության ներկայացվող հիմնական դրույթները, ներկայացվում են հետազոտության տեսական և գործնական նշանակությունն ու հետազոտության արդյունքների փորձարկումը:

**Առաջին գլուխը՝** «Արդարությունը որպես փիլիսոփայական երևույթ և քրեական իրավունքի հիմնարար սկզբունք» վերտառությամբ, բաղկացած է երեք պարագրաֆներից:

**Առաջին գլխի առաջին պարագրաֆում՝** «Արդարությունը որպես էթիկական-իրավական երևույթ (պատմաիրավական վերլուծություն)» վերտառությամբ, հեղինակը, հիմնվելով տեսական աղբյուրների վրա, վերլուծության է ենթարկել «արդարություն» հասկացությունը՝ բացահայտելով արդարության բարոյաիրավական հիմքը, ինչպես նաև արդարության՝ որպես իրավունքի հիմնարար սկզբունքի էությունն ու բովանդակությունը:

**Առաջին գլխի երկրորդ պարագրաֆում՝** «Քրեական պատիժ նշանակելու ինստիտուտի ծագումն ու զարգացումը» վերտառությամբ, հեղինակը մանրամասն վերլուծության է ենթարկում պատժի նշանակման ինստիտուտի էությունը, զարգացումները, պատժի ինստիտուտի տեսական և գործնական հարցերը, ինչպես նաև ուսումնասիրում է ինչպես գործող քրեական օրենսդրության, այնպես էլ Նախագծով սահմանված պատժի համակարգը:

**Առաջին գլխի երրորդ պարագրաֆում՝** «Արդարության սկզբունքի կիրառումը քրեական պատժի նշանակման ընդհանուր սկզբունքների համակարգում» վերտառությամբ, հեղինակը մանրամասն վերլուծության է ենթարկում արդարության սկզբունքի դերն ու նշանակությունը՝ պատժի նշանակման ընդհանուր սկզբունքների համատեքստում, ինչպես նաև վերլուծում է օրենսդրությամբ նախատեսված արդարացի պատժի նշանակման ընդհանուր սկզբունքային պահանջները:

**Երկրորդ գլուխը՝** «Արդարացի պատիժ նշանակելու ընդհանուր սկզբունքային պահանջները՝ ըստ ՀՀ քրեական օրենսգրքի» վերտառությամբ, բաղկացած է երեք պարագրաֆներից:

**Երկրորդ գլխի առաջին պարագրաֆում՝** «Պատժի նշանակումը՝ կատարված հանցագործության հանրային վտանգավորության բնույթի և աստիճանի գնահատմամբ» վերտառությամբ, հեղինակը վերլուծության է ենթարկում պատիժ նշանակելու սկզբունքային պահանջներից մեկը՝ հանցագործության հանրային վտանգավորության բնույթի և աստիճանի գնահատումը՝ արդյունքում եզրահանգելով, որ պատիժ նշանակելիս և հանցագործության հանրային վտանգավորության աստիճանը որոշելիս դատարանները պետք է ելնեն այն բոլոր հանգամանքների համակցությունից, որոնցում կատարվել է կոնկրետ հանցավոր արարքը, մեղքի ձևից, հանցագործության կատարման շարժառիթներից, եղանակից,

իրադրությունից, հանցավոր մտադրության իրագործման աստիճանից, խախտված հասարակական հարաբերությունների բնույթից, առաջացած վնասի չափից:

**Երկրորդ գլխի երկրորդ պարագրաֆում՝** «Պատժի նշանակումը՝ հանցավորի անձը բնութագրող տվյալների հաշվառմամբ» վերտառությամբ, հեղինակի կողմից քննարկման առարկա է դարձվում պատժի անհատականացման կարևորագույն միջոցներից անձը բնութագրող հանգամանքները՝ արդյունքում եզրահանգելով, որ պատժի նշանակելիս խիստ անհատական մոտեցում ապահովելու նպատակով դատարանները պարտավոր են բազմակողմանիորեն, լրիվ և օբյեկտիվորեն հետազոտել ամբաստանյալի անձը բնութագրող տվյալները: Դատարանի կողմից որպես հանցավորի անձը բնութագրող հատկանիշներ պետք է գնահատվեն նրա կենսաբանական, սոցիալ-հոգեբանական, սոցիալ-ժողովրդագրական հատկությունները՝ վարքագիծն ընտանիքում և կենցաղում, աշխատանքի հանդեպ ունեցած վերաբերմունքը, կրթությունը, առողջական վիճակը, տարիքը, ծառայությունը պետության և հասարակության առջև, ինչպես նաև նրա կենսակերպը՝ մինչև հանցագործության կատարումը և վարքագիծը՝ այն կատարելուց հետո:

**Երկրորդ գլխի երրորդ պարագրաֆում՝** «Պատժի նշանակումը՝ պատասխանատվությունը և պատիժը մեղմացնող ու ծանրացնող հանգամանքների գնահատմամբ» վերտառությամբ, հեղինակի կողմից վերլուծության է ենթարկվում օրենսդրությամբ նախատեսված արդարացի պատժի նշանակման ընդհանուր սկզբունքային պահանջներից պատասխանատվությունը և պատիժը մեղմացնող ու ծանրացնող հանգամանքների գնահատումը: Հեղինակը վեր է հանում արդարացի պատժի նշանակումը կարգավորող նորմերի գործնական կիրառության ընթացքում առաջացող խնդիրները՝ տեսական գրականության և ձևավորված դատական պրակտիկայի ուսումնասիրության միջոցով: Նշված խնդրին անդրադառնում է Մարդու իրավունքների եվրոպական դատարանի և ՀՀ վճռաբեկ դատարանի կողմից կայացված նախադեպային որոշումների լույսի ներքո:

**Երրորդ գլուխը՝** «Պատժի նշանակման ինստիտուտի զարգացման հեռանկարը՝ արդարության սկզբունքի իրագործման համատեքստում (իրավահամեմատական վերլուծություն)» վերտառությամբ, բաղկացած է երկու պարագրաֆներից:

**Երրորդ գլխի առաջին պարագրաֆում՝** «Պատժի նշանակելու ընդհանուր սկզբունքների իրավական կարգավորումները ըստ օտարերկրյա պետությունների քրեական օրենսդրությունների» վերտառությամբ, հեղինակը ուսումնասիրում է օտարերկրյա պետությունների քրեական օրենսդրություններով նախատեսված արդարացի պատժի նշանակելու իրավական կարգավորումները՝ համեմատական վերլուծություն իրականացնելով Հայաստանի Հանրապետության և այլ պետությունների պատժի նշանակման ինստիտուտների միջև:

**Երրորդ գլխի երկրորդ պարագրաֆում՝** «Պատժի նշանակելու ինստիտուտի կատարելագործման ուղիները՝ միջազգային լավագույն փորձի հաշվառմամբ» վերտառությամբ, հեղինակը վեր է հանելով պատժի նշանակման վերաբերյալ օտարերկրյա պետությունների լավագույն փորձը, ինչպես նաև համեմատաիրավական վերլուծության ենթարկելով պատժի նշանակման վերաբերյալ գործող օրենսդրության և Նախագծի նորմերը, ներկայացրել է

առաջարկություններ՝ Նախագիծն առավել կատարելագործելու նկատառումներով և ակնկալիքով:

**Ատենախոսության եզրակացություններում**, ի լրումն պաշտպանության ներկայացվող դրույթների, կատարվել են հետևյալ հիմնական եզրահանգումներն ու առաջարկությունները:

1. Քրեական պատժի համակարգը հանդիսանում է այնպիսի միջոցների ամբողջություն, որոնք կիրառվում են հանցանք կատարած անձի նկատմամբ, և վերջինիս պատճառում են զրկանքներ՝ զրկելով նրան որոշակի բարիքներից ու իրավունքներից կամ սահմանափակում են այդպիսիք: Քրեական պատիժը հանցագործության ուղղակի արդյունքն է, հասարակության գնահատականը՝ հանցագործությամբ իր շահերին վնաս պատճառած անձին և նրա արարքին:

2. Դատարանի կողմից պատիժ սահմանելիս կիրառվում են հետևյալ ինստիտուցիոնալ սկզբունքները՝ պատժի օրինականությունը, օրենքի առջև բոլորի հավասարությունը, պատժի նշանակումը հանցագործության կատարման մեջ մեղավոր ճանաչված անձի նկատմամբ, պատժի արդարացիությունը, պատժի մարդասիրությունը (հումանիզմը), պատժի անխուսափելիությունը, պատժի անհատականացումը:

3. Արդարության էության ուսումնասիրությունը ցույց է տալիս, որ դրա հասկացությունն արտացոլում է ողջ մարդկության բարձրագույն նպատակը և ակնհայտորեն հենց այդ պատճառով արդարության հիմնախնդիրը «ձգողական է» բոլոր ժամանակներում: Դարերի ընթացքում արդարության սկզբունքի իրագործումը համարվեց բարու դրսևորում: Արդարության մասին ամենաառաջին ուսմունքը ձևավորվել է Հին Հունաստանում, ընդ որում արդեն դեռևս այն ժամանակներում հույն մտածողները արդարության գաղափարը կապում էին օրինականության հետ՝ դրանով իսկ փորձելով հարցը փիլիսոփայական հարթությունից տեղափոխել իրավական դաշտ: Դարեր շարունակ, որպես արդարության հատկանիշներ են համարվել հավասարությունը, անկողմնակալությունը, բարյացակամությունը, պարկեշտությունը, հիմնավորվածությունը, համաչափությունը և հատուցումը:

4. ՀՀ Սահմանադրությամբ ամրագրված է, որ Հայաստանի Հանրապետությունում մարդը բարձրագույն արժեք է, մարդու անօտարելի արժանապատվությունն իր իրավունքների և ազատությունների անքակտելի հիմքն է (3-րդ հոդված), ուստի գտնում ենք, որ ՀՀ քրեական օրենսգիրքն ընդհանրապես, և պատժի ինստիտուտը մասնավորապես, պետք է հիմնվեն ոչ միայն «*արարքի հայեցակարգի*» այլև «*անձի հայեցակարգի*» վրա, քանի որ օրենքը պատժում է ոչ թե հանցագործությունը, այլև հանցանք կատարած անձին: Հանցագործության այս կամ այն տեսակի համար պատիժ նախատեսելիս օրենսդիրը պետք է հիմնվի նաև կրիմինալոգիական իրողության վրա, որի կարևոր տարրերից մեկը հանցանք կատարողի անձն է: Ուսումնասիրությունները վկայում են, որ բազմաթիվ արտասահմանյան երկրների քրեական օրենսդրությունները հիմնված են «անձի հայեցակարգի» վրա, համաձայն որի՝ պատժվում է հանցանք կատարած անձը: Օրենսգիրքը, հիմնվելով արարքի հայեցակարգի վրա, շատ դեպքերում թույլ չի

տալիս ոչ միայն ապահովել արդարության սկզբունքի իրագործումը, այլև արդյունավետ քրեական քաղաքականություն իրականացնել:

5. Պատիժ նշանակելու հիմնարար սկզբունքներն ընդհանուր առմամբ այն ղեկավար դրույթներ են, որոնք ներդրվում են պատժի նշանակումը կարգավորող կանոնների մեջ, սահմանում են դատարանի կողմից նշանակվող պատժամիջոցների հիմքերը, պայմանները և կիրառման բնույթն ու չափը: Դատարանը յուրաքանչյուր քրեական գործով պատիժ նշանակելիս պարտավոր է ղեկավարվել պատժի նշանակման ընդհանուր սկզբունքային պահանջներով: Նշված սկզբունքներն ուրվագծում են դատարանի հայեցողության շրջանակները և կոչված են հնարավորինս բացատրելու պատիժ նշանակելիս կամայականությունների դրսևորման հնարավորությունը:

6. Պատիժ նշանակելիս անհատական մոտեցում ապահովելու նպատակով դատարանները պարտավոր են բազմակողմանիորեն, լրիվ և օբյեկտիվորեն հետազոտել ամբաստանյալի անձը բնութագրող տվյալները: Դատարանի կողմից որպես հանցավորի անձը բնութագրող հատկանիշներ պետք է գնահատվեն նրա կենսաբանական, սոցիալ-հոգեբանական, սոցիալ-ժողովրդագրական հատկությունները՝ վարքագիծն ընտանիքում և կենցաղում, աշխատանքի հանդեպ ունեցած վերաբերմունքը, կրթությունը, առողջական վիճակը, տարիքը, ծառայությունը պետության և հասարակության առջև, ինչպես նաև նրա կենսակերպը՝ մինչև հանցագործության կատարումը և վարքագիծը՝ այն կատարելուց հետո:

7. Պատիժ նշանակելիս դատարանները պետք է ելնեն այն բոլոր հանգամանքների համակցությունից, որոնցում կատարվել է կոնկրետ հանցավոր արարքը, մեղքի ձևից, հանցագործության կատարման շարժառիթներից, եղանակից, իրադրությունից, հանցավոր մտադրության իրագործման աստիճանից, խախտված հասարակական հարաբերությունների բնույթից, առաջացած վնասի չափից:

8. Օտարերկրյա պետությունների քրեական օրենդրությունների վերլուծությունը թույլ է տալիս եզրակացնել, որ տարբեր երկրների պատժի նշանակման ինստիտուտներում հիմնականում իրենց ամրագրումն ու արտացոլումն են ստացել արդարության, պատժի նշանակման անհատականացման, համաչափության և հումանիզմի սկզբունքները: Բացի այդ, մեծ ուշադրություն է գրավում նաև այն հանգամանքը, որ արտասահմանյան երկրների քրեական օրենսգրքերի մեծամասնությունը շեշտը դնում են պատժի մեղմացման վրա, հումանիզացիայի վրա, ազատագրկման այլընտրանք հանդիսացող պատժամիջոցների առավել լայն կիրառման անհրաժեշտության վրա, հատկապես երբ խոսքը գնում է անչափահաս տարիքում հանցանք կատարած անձի մասին:

9. Նախագծով առաջարկվել է պատասխանատվությունը և պատիժը մեղմացնող հանգամանքների ցանկից հանել հանցանք կատարելու պահին հանցավորի անչափահաս լինելը: Կարծում ենք, որ նշվածի կապակցությամբ գործող օրենսգրքի դրույթն առավել ընդունելի է, քանի որ քրեական օրենսդրությունը հատուկ վերաբերմունք է ամրագրել անչափահասների նկատմամբ. օրենսգրքով նախատեսված են նորմեր (<< քրեական օրենսգրքի բաժին 5, գլուխ 14), որոնք առաջացնում են համեմատաբար բարենպաստ վիճակ հանցանք կատարած



անչափահասների համար՝ հաշվի առնելով, որ վերջիններս, ելնելով տարիքային առանձնահատկություններից, չեն կարող լիովին պատկերացնել կատարված հանցանքի վտանգավորությունն ու ճիշտ կողմնորոշվել կոնկրետ իրադրությունում: Հաճախ նրանք գտնվում են կա՛մ չափահաս հանցագործի ազդեցության տակ և չեն կարողանում դրանից խուսափել, կա՛մ նրանց կողմից հանցանքի կատարմանը նպաստում են ծանր ընտանեկան և/կամ սոցիալական պայմանները: Դատարանները, պատիժ կամ քրեաիրավական ներգործության այլ միջոց նշանակելիս, ղեկավարվում են երկու խումբ սկզբունքներով՝ պատիժ նշանակելու ընդհանուր սկզբունքերով, որոնք հավասարապես կիրառելի են թե՛ չափահասների, թե՛ անչափահասների նկատմամբ, և անչափահասների նկատմամբ կիրառվող հատուկ սկզբունքներով, որոնց ձևավորումը պայմանավորված է անչափահասների տարիքային, սոցիալական, ֆիզիոլոգիական ու հոգեբանական առանձնահատկություններով:

Բացի այդ, անչափահասների նկատմամբ հատուկ սկզբունքներ և մոտեցումներ կիրառելու անհրաժեշտությունը, ի թիվս այլոց, սահմանված է նաև Եվրոպայի խորհրդի նախարարների կոմիտեի հանձնարարականում, Անչափահասների նկատմամբ արդարադատություն իրականացնելու վերաբերյալ ՄԱԿ-ի նվազագույն ստանդարտ կանոններում (Պեկինյան կանոններ), ինչպես նաև բազմաթիվ արտասահմանյան երկրների քրեական օրենսդրություններում: Հետևաբար կարծում ենք, որ հանցանք կատարելու պահին հանցավորի անչափահաս լինելը պետք է օրենսդրորեն ամրագրվի որպես պատիժն ու պատասխանատվությունը մեղմացնող հանգամանք, ուստի քրեական օրենսգրքի գործող իրավակարգավորումն առավել ընդունելի է:

**Ատենախոսության Հավելված 1-ում** ներկայացված է արդարության սկզբունքի իրագործման համատեքստում պատիժ նշանակելու ընդհանուր սկզբունքների վերաբերյալ տեսակետներն ուսումնասիրելու նպատակով մեր կողմից հարցում իրականացնելու համար կազմված հարցաթերթիկը, իսկ **Հավելված 2-ում**՝ կատարված հարցման արդյունքները:

**Ատենախոսության հիմնական դրույթներն արտացոլված են հեղինակի հետևյալ հրապարակումներում.**

1. Պատիժ նշանակելու ընդհանուր սկզբունքները արդարության սկզբունքի իրագործման համատեքստում, «Դատական իշխանություն» գիտամեթոդական ամսագիր, թիվ 9-10 (231-232), Երևան, 2018, էջեր 67-75:

2. Արդարության՝ որպես էթիկական-իրավական երևույթի և արդարության սկզբունքի կիրառումը քրեական պատժի համակարգում, «Դատական իշխանություն» գիտամեթոդական ամսագիր, թիվ 11-12 (233-234), Երևան, 2018, էջեր 12-19:

3. Հանցագործության հանրային վտանգավորության աստիճանի և բնույթի գնահատումը որպես պատժի արդարացիության ապահովման երաշխիք, «Դատական իշխանություն» գիտամեթոդական ամսագիր, թիվ 5-6 (239-240), Երևան, 2019, էջեր 42-50:

4. Հանցավորի անձը բնութագրող տվյալների գնահատումը որպես արդարացի պատիժ նշանակելու սկզբունքային պահանջ, «Դատական իշխանություն» գիտամեթոդական ամսագիր, թիվ 7-8 (241-242), Երևան, 2019, էջեր 35-43:

5. Պատասխանատվությունը և պատիժը մեղմացնող ու ծանրացնող հանգամանքները որպես պատժի անհատականացման կարևորագույն միջոց, «Դատական իշխանություն» գիտամեթոդական ամսագիր, թիվ 9-10 (243-244), Երևան, 2019, էջեր 29-41:

6. Պատժի նշանակման ինստիտուտի զարգացման հեռանկարը՝ արդարության և մարդասիրության սկզբունքների իրագործման համատեքստում, «Դատական իշխանություն» գիտամեթոդական ամսագիր, թիվ 3-4 (249-250), Երևան, 2020, էջեր 41-48:

7. Պատժի համակարգի ինստիտուտի կատարելագործման միտումները՝ ըստ ՀՀ քրեական նոր օրենսգրքի նախագծի (համեմատական վերլուծություն), «Դատական իշխանություն» գիտամեթոդական ամսագիր, թիվ 5-6 (251-252), Երևան, 2020, էջեր 45-56:

8. Պատժի նշանակման ընդհանուր սկզբունքների կիրառման հիմնախնդիրները և կատարելագործման ուղիները, «Պետություն և իրավունք», թիվ 2 (87), Երևան, 2020, էջեր 64-74:

9. Правовые нормы института наказания по уголовному законодательству зарубежных стран, «The scientific heritage», № 48, Vol. 5, Budapest, Hungary, 2020, էջեր 58-62:

10. Понятие и характеристика общих начал назначения наказания в контексте реализации принципа справедливости, «Scientific discussion», № 44, Vol. 1, Praha, Czech Republic, 2020, էջեր 24-29:

**ОБЩИЕ НАЧАЛА НАЗНАЧЕНИЯ НАКАЗАНИЯ В КОНТЕКСТЕ  
РЕАЛИЗАЦИИ ПРИНЦИПА СПРАВЕДЛИВОСТИ ПО  
УГОЛОВНОМУ ЗАКОНОДАТЕЛЬСТВУ РА**

**РЕЗЮМЕ**

Актуальность темы исследования заключается в том, что на современном этапе развития общества уголовное наказание является необходимым и в то же время эффективным средством реагирования государства на совершенное преступление. Следовательно, институт наказания, а также принципы его назначения постоянно нуждаются как в тщательной регламентации, так и в научном обосновании с тем, чтобы меры уголовно-правового воздействия применялись лишь в тех рамках, в каких они необходимы и достаточны для достижения целей и задач наказания.

Целью исследования является системное изучение и анализ института о назначении наказания в контексте реализации принципа справедливости, а также выявление путем количественного и качественного анализа основных проблем законодательного регулирования назначения наказания и основных закономерностей политики вынесения приговоров, применяемой судами Республики Армения, проведение сравнительного анализа между системами наказаний Республики Армения и ряда других государств, как и разработка рекомендаций, направленных на совершенствование законодательства и правоприменительной практики на основе результатов комплексного исследования.

Для достижения вышеуказанной цели нами были выдвинуты следующие задачи: выявить сущность и содержание справедливости как основополагающего принципа права, проанализировать предусмотренные законом общие принципиальные требования к назначению справедливого наказания, то есть при назначении наказания необходимость оценки характера и степени общественной опасности совершенного преступления, оценки данных характеризующих личность виновного, как и обстоятельства смягчающих или отягчающих ответственность наказание, а также путем изучения сформировавшейся судебной практики и юридической литературы изучить и выявить проблемы, возникающие при применении нормы принципа справедливости наказания, исследовать законодательные регулирования назначения справедливого наказания, предусмотренные уголовными законодательствами зарубежных стран, подвергнуть сравнительно – правовому анализу нормы действующего законодательства и проекта нового Уголовного кодекса РА касательно назначения наказания, представить рекомендации с целью дальнейшего совершенствования законодательства, и на основе результатов проведенных исследований разработать и представить соответствующие предложения.

Правовую и эмпирическую базу исследования составили: Конституция РА,

Уголовный кодекс РА, Уголовно-процессуальный кодекс РА, Уголовное законодательство зарубежных стран, Всеобщая декларация прав человека, Европейская конвенция о защите прав человека и основных свобод, Международный пакт о гражданских и политических правах, Конвенция против пыток и других жестоких, бесчеловечных или унижающих достоинство видов обращения и наказания, Рекомендация CM / Rec (2008) 11 Комитета министров Совета Европы, а также прецедентные решения Европейского суда по правам человека и Кассационного суда Республики Армения относительно общих правил назначения наказания, а также статистические данные по приговорам вынесенным судами Республики Армения.

Впервые на уровне диссертационного исследования в Республике Армения была предпринята попытка комплексного и всестороннего исследования и анализа теоретических и практических вопросов реализации принципа справедливости при назначении наказания.

Вышеуказанный анализ был проведен на основе системного изучения Уголовного кодекса РА, проекта нового Уголовного кодекса РА, уголовных законодательств ряда зарубежных стран, правовых источников, правовых позиций Европейского суда по правам человека, прецедентных решений Кассационного суда РА, а также соответствующих международных документов. В результате исследования и выявления проблем, возникающих при практическом применении норм, регулирующих процесс вынесения приговора, по данному вопросу были представлены теоретические выводы и законодательные предложения. Научная новизна диссертации отражена также в выносимых на защиту положениях.

Тема диссертационного исследования обсуждалась на кафедре уголовного права и уголовно-процессуального права Российско-Армянского университета, где были подтверждены основные теоретические положения и выводы диссертации. Результаты проведенных исследований нашли отражение в научных статьях автора, опубликованных в отечественных и зарубежных рецензируемых научных журналах.

**GENERAL PRINCIPLES OF ASSIGNING PUNISHMENT IN THE CONTEXT  
OF IMPLEMENTATION OF THE PRINCIPLE OF JUSTICE  
ACCORDING TO CRIMINAL LEGISLATION OF RA**

**SUMMARY**

The novelty of the topic of the dissertation lies in the fact that at the present stage of development of society, criminal punishment is an effective means of the state's response to a crime committed. Therefore, the institution of punishment, as well as the principles of its appointment, always need to be thoroughly regulated, as well as scientifically substantiated, so that criminal measures are applied only to the extent necessary to achieve the goals and objectives of punishment.

The purpose of the research is to systematically study and analyze the issue of assigning punishment in the context of implementation of the principle of justice, to identify the main regularities of the assigning punishment policy implemented by the courts in the Republic of Armenia and to raise the issues of legislative regulation of sentencing through quantitative and qualitative analyses, to carry out a comparative analysis between the punishment systems of the Republic of Armenia and other states, as well as to develop recommendations for the improvement of legislation and law enforcement practice based on the results of a comprehensive survey.

In order to achieve the above-mentioned goal, we have put forward the following tasks: to identify the essence and content of justice as a fundamental principle of law, to analyze the general principle requirements for the just sentencing provided by law, that is, to assess the nature and degree of public danger of the crime, the data characterizing the perpetrator, mitigating and aggravating circumstances of responsibility and punishment at the time of sentencing, as well as to study and identify issues arising during the practical application of the norms regulating the imposition of a fair punishment through the study of theoretical literature and case law, to study the legal regulations for the imposition of a fair punishment under the criminal laws of foreign countries, to make a comparative legal analysis of the norms on sentencing of current legislation and the draft of the RA Criminal Code, to submit proposals with a view to further improving the legislation, to develop and submit relevant legislative proposals based on the results of the conducted research.

The legal and empirical basis of the research was include Constitution of RA, Criminal Code of RA, Criminal Procedure Code of RA, criminal legislation of foreign countries, Universal Declaration of Human Rights, European Convention for the Protection of Human Rights and Fundamental Freedoms, International Covenant on Civil and Political Rights, Convention against Torture and Other Cruel, Inhuman or Degrading Treatment or Punishment, Recommendation CM/Rec(2008)11 of the Committee of Ministers of the Council of Europe, as well as the case-law of the European Court of Human Rights and the Court of Cassation of the Republic of Armenia on the general principle requirements

for the sentencing and the statistics on the sentences imposed by the courts of the Republic of Armenia.

For the first time in the Republic of Armenia, at the level of a dissertation, an attempt was made to comprehensively study and analyze the theoretical and practical issues of applying the general principles of assigning punishment in the context of implementation of the principle of justice.

The mentioned analysis was made on the basis of a systematic study of the RA Criminal Code and the draft of the RA Criminal Code, criminal legislation of certain foreign countries, theoretical sources, legal views of the European Court of Human Rights, precedential decisions of the Court of Cassation of RA, as well as relevant international documents. Examining, raising the issues that arise during the practical application of the norms regulating the sentencing process, as a result, theoretical conclusions and legislative proposals were presented in this regard. The scientific novelty of the dissertation is also reflected in the main standpoints of the study.

The topic of dissertation, the main theoretical analyses and conclusions were confirmed by the Chair of Criminal Law and Criminal Procedure Law of the Russian-Armenian University. The fundamental standpoints of the thesis were reflected in the scientific articles of the author published in domestic and foreign peer-reviewed scientific journals.

A handwritten signature in black ink, appearing to be 'A. Hovhannisyan', written in a cursive style.